

ՔԱՂԱՔԱԿԱՆ ԻՐԱԴՐՈՒԹՅՈՒՆԸ ԵՎ ՀԱՄՇԵՆԱՅԱՅԵՐԻ  
ԿԱՑՈՒԹՅՈՒՆՆ ԱՔԽԱԶԻԱՅՈՒՄ 1918–1920 ԹԹ.

ԲԵՆԻԱՄԻՆ ՄԱԻԼՅԱՆ

1864-ից ի վեր, երբ վերացվեց Աբխազական իշխանությունը, աբխազների զգալի մասը ռուսական իշխանությունների հետ լուրջ հակասություններ ունենր: 1877 թ. ռուս-թուրքական պատերազմի ընթացքում մոտ 80 հազար աբխազներ լքեցին պատմական հայրենիքը և հաստատվեցին սուլթանական թուրքիայում: Միաժամանակ Աբխազիան արագորեն բնակեցվում էր էթնիկ տարբեր խմբերով (ռուսներ, հույներ, մեգրելներ, էստոնացիներ, գերմանացիներ), այդ թվում 1879-ից Տրապիզոնի վիլայեթից գաղթած համչենահայերով: XIX դ. վերջերին հայոց ներգաղթը զգալի աճեց, մանավանդ 1894–1896 թթ. կոտորածների հետևանքով: Գաղթական համչենահայերից շատերը բնակություն էին հաստատում հարևան Սոչիի շրջանում: Եթե 1886 թ. հայերի թիվը Աբխազիայում կազմում էր 1050, ապա 1897 թ. համառուսական մարդահամարի տվյալներով այնտեղ բնակվում էր շուրջ 6500 հայ<sup>1</sup>: Հայերի վերաբնակեցմանը նպաստում էր ռուս գործարարների աջակցությունը, քանի որ նրանք լավատեղյակ էին ծխախոտագործության ասպարեզում համչենահայերի վարժ մասնագետ լինելուն<sup>2</sup>: Հայ գյուղացիները կապալավարձի հիմունքներով աբխազ իշխաններից վերցրած հողատարածություններում կարճ ժամանակամիջոցում բնակավայրեր կառուցեցին, չորացրին ճահճուտները, խիտ անտառներից մաքրած տարածքներում հիմնեցին ծխախոտի տնկաստաններ: Մի քանի տարում նրանց աճեցրած բարձրորակ ծխախոտը նվաճեց Ռուսաստանի շուկան<sup>3</sup>: Ռուսական իշխանությունն Աբխազիայի հայերին համարում էր ժամանակավոր վերաբնակիչ և Ռուսաստանի կայսրության հպատակություն չէր տրամադրում<sup>4</sup>: Համչենահայերի միայն 5% տարբեր միջոցներով հպատակություն ձեռք բերեց, ինչը թույլ տվեց նրանց մշակելի հող գնել<sup>5</sup>: Եկամուտները հնարավորություն էին տալիս կանխիկ վճարել կապալավարձը: Համչենահայերը մեծ գեր ունեցան երկրամասի տնտեսական զարգացման գործում<sup>6</sup>: Փոխահավետ հարաբերությունների հաստատումը նպաստում էր աբխազների և հայերի միջև բարիդրացիական կապերի ամ-

<sup>1</sup> История Абхазии. Гудаута, 1993, с. 208-209.

<sup>2</sup> Там же, с. 207.

<sup>3</sup> Հայաստանի Ազգային Արխիվ (այսուհետև՝ ՀԱԱ), Արտաքին գործերի նախարարության ֆ. 200, ց. 1, գ. 409, թ. 60:

<sup>4</sup> Նույն տեղում, թ. 11-12:

<sup>5</sup> Նույն տեղում, թ. 46:

<sup>6</sup> М. М и н а с я н. Переселение амшенских армян на Черноморское побережье Кавказа и первые шаги их хозяйственной деятельности (последняя четверть XIX в.). – "Вестник общественных наук" АН АрмССР, 1977, № 1, с. 64-73.

րապնդմանը: Աբխազների և մեգրելիների շահերը, սակայն, բախվում էին, քանի որ վերջիններիս չհաջողվեց շահավեա հարաբերություններ հաստատել արևազ հողատերերի հետ: Մեգրել գյուղացիների միջավայրում նպաստավոր ասպարեզ էր ստեղծվել հեղափոխական և սոցիալիստական քարոզչությունից համար, ինչը ևս անընդունելի էր արևազ իշխանների համար<sup>7</sup>:

Ռուսական կայսրության անկումից հետո դրա ողջ տարածքում, այդ թվում՝ Անդրկովկասում, լուծման հրատալ հարց է դառնում ազգային խնդիրը: Վրացական ազգային շարժման արմատական մասը հանդես եկավ երկրամասի վրացաբնակ շրջաններին քաղաքական ինքնորոշման իրավունք տալու օգտին: 1917 թ. ապրիլի կեսին վրացական կուսակցությունները համաձայնություն եկան ապագա Վրաստանի ենթադրյալ սահմանների շուրջ տարածքը բաժանելով «անվիճելի» և «վիճարկվող» շրջանների: Վերջիններիս ընդգրկումը պետք է որոշվեր տեղի բնակչության հանրաքվեի միջոցով: Այս առումով Աբխազիան դասվեց «վիճարկվող» շրջանների կազմում: Իր հերթին, 1917 թ. նոյեմբերի 8-ին գումարված արևազական ժողովրդի համագումարը ստեղծեց Աբխազական ժողովրդական խորհուրդ (ԱԺԽ), որն, արտահայտելով համագումարի կամքը, հանդես եկավ կազակների և Կովկասի լեռնականների Հարավ-Արևելյան միությունը միանալու օգտին՝ ենթադրվող Ռուսաստանի դեմոկրատական հանրապետության կազմում<sup>8</sup>: Միություն կազմալուծման և Ռուսաստանի հարավում 1918 թ. սկզբին քաղաքացիական պատերազմի պատճառով դա չիրականացավ: 1918 թ. փետրվարի 9-ին Աբխազական ժողովրդական խորհուրդը և Վրացական ազգային խորհուրդը համաձայնագիր կնքեցին, ուր ասված է, որ Աբխազիայի քաղաքական կառուցվածքի ապագա ձևը պետք է մշակվի այս միավորի հիմնադիր ժողովում ելնելով ինքնորոշման սկզբունքից<sup>9</sup>:

1918 թ. ապրիլի 8-ին Աբխազիայում հաստատվեցին խորհրդային կարգեր, սակայն առանց պետականության վերականգնման<sup>10</sup>: Ուստի արևազների մեծամասնությունը հրաժարվեց բոլշևիկների կուսակցությանն աջակցելուց: Բոլշևիկներն Աբխազիայի հայերի աջակցությունը ստանալու նպատակով քարոզչություն էին տանում, խոստանալով, որ նրանք, խորհրդային իշխանություն օգնությունը, առանց հպատակություն ստանալու, կարող են տիրել կապալավարձով մշակվող հողատարածքներին<sup>11</sup>: Սակայն դեռևս 1918 թ. փետրվարին հայերից կազմված Կարմիր դվարիայի ջոկատը, որը գտնվում էր Սուխումի բանվորական պատգամավորների խորհրդի ենթակայություն տակ, վճռական գեր ունեցավ տեղի

<sup>7</sup> Д. Гамахария, Б. Гогия. Абхазия – историческая область Грузии с древнейших времен до 30-х годов XX века (историография, документы и материалы, комментарий). Тбилиси, 1997, с. 393-395, док. № 213.

<sup>8</sup> А. Ментешашвили. Октябрьская революция и национально-освободительное движение в Грузии 1917-1921 гг. Тбилиси, 1987, с. 65.

<sup>9</sup> С. Лакоба. Очерки политической истории Абхазии. Сухуми, 1990, с. 63; История Абхазии, с. 23.

<sup>10</sup> Д. Гамахария, Б. Гогия. Նշվ. աշխ., էջ 402, վավ. № 218:

<sup>11</sup> Г. Дзидзари. Советская власть в Абхазии в 1918 году. Сухуми, 1972.

<sup>12</sup> Д. Гамахария, Б. Гогия. Նշվ. աշխ., էջ 411, վավ. № 221:



բողոքների ելույթի ճնշման գործում<sup>13</sup>: Մինչև խորհրդային կարգերի վերացումը՝ մայիսի 17-ը, Աբխազիան համարվում էր Խորհրդային Ռուսաստանի մասը: 1918 թ. ապրիլի 9-ին՝ Անդրկովկասի ժողովրդավարական դաշնային հանրապետությունը Ռուսաստանից անկախ հռչակելու պահին՝ Աբխազիայի տարածքը չէր վերահսկվում անդրկովկասյան նորաստեղծ կառավարության կողմից: Սեյմին ենթակա վրացական զինված ջոկատները, գրավելով Սուխումը, թույլատրեցին բողոքների կողմից բռնարդեված ԱժԽ-ի գործունեությունը, թեպետ լիակատար իշխանությունն անցավ վրացական ժողովրդական գվարդիայի հրամանատարությանը<sup>14</sup>: Բողոքիկյանից բացի Արխաղիայում տարածում ունեցող քաղաքական երկու կողմնորոշում ևս: Առաջինը՝ իշխաններ Ա. Շերվաչիձեի և Թ. Մարչանիայի գլխավորած արխագ բնակչության մի մասը ցանկանում էր երկրամասը տեսնել Հյուսիսկովկասյան ժողովուրդների հետ միասնական պետության մեջ: Այդ հարցին դրական լուծում տալու նպատակով նրանք մեկնեցին Բաթում, որտեղ 1918 թ. մայիսի 11–26-ը կոնֆերանս գումարվեց: Այդ օրերին Բաթումում, Թուրքիայի աջակցությամբ, հռչակվեց Հյուսիսկովկասյան լեռնականների հանրապետությունը: Աբխազական պատվիրակները Թուրքիայի հովանավորությունն էին փնտրում լեռնականների հանրապետության կազմի մեջ ընդգրկվելու նպատակով<sup>15</sup>: Աբխազների քաղաքական մյուս թևը, որի ղեկավար մասը ծագումով Սամուրզականո գավառից էր (ներկայիս Ղալիի շրջան), որտեղ մեծ թվով մեզրբններ են բնակվում<sup>16</sup>, նույնպես պատվիրակություն կազմեց: Օգտվելով վրացական գվարդիայի հրամանատար Վ. Ջուղբիի աջակցությունից, պատվիրակությունը մեկնեց Բաթում՝ մերժելու առաջին պատվիրակության անդամների լիազորությունները և հայտարարելու Անդրկովկասի դաշնությանը Աբխազիայի անդամակցելու ցանկության մասին<sup>17</sup>:

Թուրքական զորքերի ներխուժումը տրոհեց Այսրկովկասի միասնությունը: Այդ պահին թուրքամետ կողմնորոշման արխագ գործիչների ջանքերը՝ Աբխազիան Հյուսիսկովկասյան լեռնականների հանրապետության մաս դարձնելու ուղղությամբ, ապարդյուն եղան, քանի որ Թուրքիայի ավագ դաշնակից Գերմանիան իր վրա վերցրեց նորաստեղծ վրացական պետության հովանավորության առաքելությունը: Ինչպես դրում էր դերմանական պետական և ռազմական գործիչ Լյուդենդորֆը, Վրաստանի նկատմամբ հովանավորությունը Գերմանիային Թուրքիայից անկախ ճանապարհ էր տալիս դեպի Բաքու<sup>18</sup>: 1918 թ. մայիսի 26-ին, Վրաստանի անկախության հռչակման պահին, Աբխազիան կառավարվում էր Վրաց ազգային խորհրդին ենթակա ռազմական ուժի կողմից: Ընդունելով Գերմանիայի հովանավորությունը՝ վրացական կառավարությունն Աբխազիայի

<sup>13</sup> Նույն տեղում, էջ 404, վավ. № 219:

<sup>14</sup> Նույն տեղում, էջ 413, վավ. № 224:

<sup>15</sup> История Абхазии, с. 291.

<sup>16</sup> Там же, с. 283, 209; Г. П. Л е ж а в а. Между Грузией и Россией: исторические корни и современные факторы абхазо-грузинского конфликта 19-20 вв., М., 1997 с. 160.

<sup>17</sup> Д. Г а м а х а р и я, Б. Г о г и я. Նշվ. աշխ., էջ 79:

<sup>18</sup> С. Л а к о б а. Ответ историкам из Тбилиси. Сухуми, 2001, с. 29.

նկատմամբ իրավունքի ճանաչում ստացավ<sup>19</sup>: Վրաստանի ենթադրյալ սահմանների հարցը, փաստորեն, լուծվում էր գերմանական գերագույն հրամանատարության գաղտնի նամակում: ԱժԽ-ն տեղյակ չլինելով այդ պայմանավորվածությունների մասին, 1918 թ. հունիսի 2-ին որոշում ընդունեց Վրացական ժողովրդավարական հանրապետության հետ հարաբերությունների վերաբերյալ և Անդրկովկասի դաշնության տրոհման պատճառով հայտարարեց Վրաստանի հետ իրավական կապերի խզման մասին: Միաժամանակ որոշումը հռչակում էր ԱժԽ-ն որպես միակ պետական իշխանություն Աբխազիայի տարածքում<sup>20</sup>: Սակայն բոլշևիկյան վտանգը և վրացական զորքերի ներկայությունը ստիպեցին բանակցություններ վարելու նպատակով Թիֆլիս պատվիրակություն ուղարկել: ԱժԽ-ի պատվիրակները 1918 թ. հունիսի 8-ին և 11-ին Թիֆլիսում Վրաստանի կառավարության հետ ստորագրեցին պայմանագրեր, որոնց համաձայն տեղի բոլշևիկների դեմ պայքարելու համար Աբխազիա ժամանեցին լրացուցիչ վրացական զորքեր: Այդպիսով, Վրաստանի իշխանությունները ճանաչեցին Աբխազիայի ինքնավար լայն իրավունքները, սակայն բաց մնաց Վրաստան-Աբխազիա վերջնական փոխհարաբերությունների հարցը, որը, համաձայն պայմանագրերի, պետք է վճռեր Աբխազիայի ենթադրվող Ազգային ժողովը<sup>21</sup>:

Ռուսական կայսրության տապալումից հետո աբխազական ազգային շարժման մի շարք գործիչներ առաջ քաշեցին թուրքիայից մուհաջիրների հայրենադարձության գաղափարը<sup>22</sup>, միաժամանակ Աբխազիայի հայերին ու հույներին հայտարարելով իրավագուրկ և ժամանակավոր բնակիչներ, որոնց մեծ մասը այդպես էլ մնացել էր գաղթականի կարգավիճակում և համարվում էր թուրքահայտակ<sup>23</sup>: Լայն տարածում ունեցավ «Աբխազիան՝ աբխազների համար» կարգախոսը<sup>24</sup>: Սեյմի կառավարման հաստատումից հետո, օգտվելով իշխանության թուլությունից, Աուխումի շրջանի Կոգորի և Գուդաուտայի տեղամասերում բնակվող հայերը (հատկապես Պսիրցխա, Անուխվա, Մծարա գյուղերում) կողոպտվեցին թուրքամետ աբխազների և տեղի թուրքերի կողմից: Տեղահան արվեց մոտ 400 հայ ընտանիք, որոնք հեռացան Կուբանի մարզ<sup>25</sup>: Չկարողանալով անմիջականորեն տիրել Աբխազիային, քանի որ այն հայտնվեց Գերմանիայի վերահսկողության գոտում, թուրք իշխանավորները կազմակերպեցին աբխազ մուհաջիրներից բաղկացած դեսանտ, որը 1918 թ. ամռանը ներխուժեց Կոգորի տեղամաս

<sup>19</sup> З. А в а л о в. Независимость Грузии в международной политике 1918-1921 гг. Париж, 1924, с. 68-69; А. М е н т е ш а ш в и л и. Նշվ. աշխ., էջ 135-136:

<sup>20</sup> Д. Г а м а х а р и я, Б. Г о г и я. Նշվ. աշխ., էջ 413, վազ. № 224:

<sup>21</sup> А. М е н т е ш а ш в и л и. Из истории взаимоотношений грузинского, абхазского и осетинского народов 1918-1921 гг., Тбилиси, 1990, с. 16. Ն ու յ ն ի` Исторические предпосылки современного сепаратизма в Грузии. Тбилиси, 1998, с. 75-78, док. № 2-3; С. Л а к о б а. Очерки..., с. 66-67; А. М е н т е ш а ш в и л и. Октябрьская революция... с. 117; Д. Г а м а х а р и я, Б. Г о г и я. Նշվ. աշխ., էջ 414, վազ. № 225:

<sup>22</sup> «Ալիոնի», 16-23 XI, 1917 (վրաց.):

<sup>23</sup> ՀԱԱ, ֆ. 200, ց. 1, դ. 409, թ. 61:

<sup>24</sup> «Էրթոբա», 17. IV. 1918 (վրաց.):

<sup>25</sup> ՀԱԱ, ֆ. 200, ց. 1, դ. 409, թ. 61: Д. Г а м а х а р и я, Б. Г о г и я. Նշվ. աշխ., էջ 90:



սը<sup>26</sup>: Այս իրադարձությունների ժամանակ ձևավորվեց Սուխումի Հայոց շրջանային ազգային խորհուրդը, որն իր վրա վերցրեց տեղի հայերի ֆիզիկական և քաղաքական պաշտպանությունը: Խորհրդի նախադաշնության կարծիքով, աբխազները, ունենալով թուրքամետ դիրքորոշում, ձգտում էին թուրքերի միջոցով տեղահան անել հայերին, այդ իսկ պատճառով Խորհուրդն աջակցում էր Վրաստանի կառավարությանն Աբխազիայում, քանի որ դա միակ ուժն էր, որը պաշտպանում էր հայերին թուրքական վտանգից և աբխազների ոտնձգություններից<sup>27</sup>: Սուխումի քաղաքային դոմայի իրավասու Ն. Թավադիբիձեն գրում էր. «Ունենոր աբխազ գյուղացիները երազում են վտարել Աբխազիայից վրացիներին և ընդհանրապես բոլոր վարձակալներին ու ինքնուրույն վերաբաշխել նրանց հոգամասերը»<sup>28</sup>:

Վերացնելով Սուխումի շրջանին սպառնացող թուրքական և բոլշևիկյան վտանգը, վրացական զորքերը շարժվեցին դեպի մերձծովյան այլ շրջաններ: 1918 թ. հունիսի 24-ին Աժխ-ն որոշում ընդունեց Առչիի և Տուապսեի շրջանները զբաղեցնելու անհրաժեշտության մասին<sup>29</sup>: Փաստաթղթի ընդունմանը նախորդող իրադարձությունների մասին հուշեր է թողել Աժխ-ի առաջին նախադահ Ս. Բասարիան. նա նշում է, թե երբ վրացական բանակը գրավելով Սոչին արդեն մոտենում էր Տուապսեին, Վրաստանում գերմանական զորքերի հրամանատար Ֆոն Կրեսը զգուշացրեց վրացական կառավարությանն այդ քայլի անօրինականության մասին: Այդ իսկ պատճառով վրացական իշխանությունները պահանջեցին Աժխ-ից, որ Տուապսեն համարվի Աբխազիայի սահման, ինչն էլ կարդարացներ Վրաստանի ոտնձգությունները Ռուսաստանի Ալեծովյան նահանգի նկատմամբ<sup>30</sup>: 1918 թ. հուլիսի 6-ին վրացական զորքերը գրավեցին Սոչին: Հուլիսի 11-ին Վրաստանի ներկայացուցիչն իր կառավարությանը հղած հեռագրում հաղորդում էր, որ վրացական զորքերի մուտքը սրտանց ողջունվում էր տեղի բնակչության կողմից<sup>31</sup>: Այս շրջանում բնակվում էր 25000 հայ<sup>32</sup>: Ինչպես վկայում է Սոչիի Հայկական ազգային խորհրդի 1918 թ. օգոստոսի 24-ի նամակը՝ ուղղված Թիֆլիսում ՀՀ դիվանագիտական ներկայացուցչին, շրջանը Վրաստանին ենթարկելով, նոր իշխանությունն առաջ քաշեց հայերի հպատակության հարցը: Իշխանությունները նրանց առաջարկում էին ընդունել Վրաստանի քաղաքացիություն և ըստ Խորհրդի տեղի հայերի մեծամասնությունը կողմնակից էր դրան, քանի որ մշակվող հողերից զրկվելու վտանգ կար: Ընդունելով քաղաքացիությունը

<sup>26</sup> История Абхазии, с. 299-301; Д. Гамахария, Б. Гогия. *Նշվ. աշխ.*, էջ 81-82:

<sup>27</sup> ՀԱԱ, ֆ. 200, ց. 1, դ. 409, թ. 61:

<sup>28</sup> «Սաքարթվելո», 4. VII. 1919 (վրաց.):

<sup>29</sup> Д. Гамахария, Б. Гогия. *Նշվ. աշխ.*, էջ 415, վավ. № 226:

<sup>30</sup> С. Басария. Абхазия в географическом, этнографическом и экономическом отношении. Сухуми, 1923, с. 92; История Абхазии, с. 303.

<sup>31</sup> Վրաստանի կենտրոնական պետական պատմական արխիվ (այսուհետև՝ ՎԿՊՊԱ), Վրաստանի ժողովրդավարական հանրապետության կառավարության քարտուղարության ֆ. 1861, ց. 2, դ. 28, թ. 4:

<sup>32</sup> ՀԱԱ, ֆ. 200, ց. 1, դ. 409, թ. 60:

ներ Հայերը միաժամանակ համաձայն էին գորակոչվել վրացական բանակ<sup>33</sup>:

Վրաստանի կառավարության ոտնձգությունները Ռուսաստանի հարավում հզորացած Սպիտակ շարժման հետ ընդհարման պատճառ դարձան: Նույն ժամանակ պարզ դարձավ, որ Թուրքիայի հովանավորության ներքո Ադրբեջանի և հյուսիսկովկասյան լեռնականների համադաշնությունն ստեղծելու մտահղացումը ձախողվել է<sup>34</sup>: Թուրքիայի օգնությունն ապավինող արևազ գործիչները հիասթափվեցին և Աբխազիայի ապագայի նկատմամբ իրենց հույսերը կապեցին Սպիտակ շարժման հետ<sup>35</sup>: 1918 թ. սեպտեմբերի 25-ին Եկատերինոգրում (այժմ՝ Կրասնոդար) բանակցություններ տեղի ունեցան Կամավորական բանակի հրամանատարության և Վրաստանի կառավարության ներկայացուցիչների միջև: Առաջինները պահանջում էին իրենց վերահսկողությանը հանձնել Սոչին և Գադրան, իսկ Աբխազիայի մնացած տարածքը դարձնել չեզոք գոտի. այդ բանակցություններն անարդյունք ավարտվեցին<sup>36</sup>: Ինչպես դրում էր դեպքերի մասնակից գեներալ Ա. Լուկոմսկոյը, «Վրաստանի համար Սոչիի շրջանը հսկայական նշանակություն ուներ որպես գոտի, որն առանձնացնում էր Կամավորական բանակը Սուխումի շրջանից: Վրաստանի կառավարությունը մտավախություն ուներ, որ անմիջական հարևանությունը Կամավորական բանակի հետ կբերի Աբխազիայի տարանջատմանը Վրաստանից»<sup>37</sup>:

1918 թ. դեկտեմբերի հայ-վրացական զինված հակամարտությունը բացասաբար ազդեց Վրաստանի հայ բնակչության վիճակի վրա: Ըստ Սոչիի Հայոց ազգային խորհրդի 1919 թ. փետրվարի 2-ի գրության, Խորհուրդը բազմաթիվ անգամներ դիմել է շրջանում Վրաստանի ներկայացուցչին՝ բողոքելով վրացական Մովսիսյա Ղոկատի զինվորականների կատարած բռնությունների և թալանի վերաբերյալ, որոնք սակայն անարգել են մնացել<sup>38</sup>: Նույնը կատարվում էր նաև Վրաստանի հայաբնակ մի շարք այլ մասերում<sup>39</sup>: 1919 թ. հունվարի 8-ին Վրաստանի Հայոց ազգային խորհուրդը վրացական կառավարությանը ներկայացված հուշագրում նշում էր. «... վրաց իշխանության տակ ապրող կես միլիոն հայ ազգաբնակչությունը զրկվեց ամեն իրավունքից, նրա պատիվը, ունեցվածքը, ազատությունն ու գույքերը դարձան միլիցիայի և հատուկ զորամասի պաշտոնյաների ազատ քմահաճույքի առարկա: ...Այլասերման աստիճանի մասին կարելի է գաղափար կազմել նրանով, որ միլիցիոներները և հատուկ զորամասի պաշտոնյաները, հաստատել էին փրկագնի որոշ սակ՝ 50-ից սկսած մինչև 50000 ռուբլի, և սակավ չեն դեպքերը, երբ միևնույն անձին հերթով գրիմում ու գրամ են պահանջում երկու հիմնարկության ներկայացու-

<sup>33</sup> ՀԱԱ, Թիֆլիսում ՀՀ ներկայացուցչության ֆ. 276, ց. 1, գ. 62, թ. 1:

<sup>34</sup> Նույն տեղում, գ. 30, թ. 12:

<sup>35</sup> Д. Г а м а х а р и я, Б. Г о г и я. Նշվ. աշխ., էջ 84:

<sup>36</sup> Документы и материалы по внешней политике Закавказья и Грузии. Тифлис, 1919, с. 392-409; Деникин-Юденич-Врангель. М.-Л., 1927, с. 96-97.

<sup>37</sup> История Абхазии, с. 305.

<sup>38</sup> ՀԱԱ, ֆ. 276, ց. 1, գ. 140, թ. 3, 4:

<sup>39</sup> ՀԱԱ, ֆ. 200, ց. 1, գ. 238, թ. 1-55: А. М е н т е ш а ш в и л и. Октябрьская революция..., с. 131.



ցիչներն էլ, և եթե միամիտը Հայտնի, թե ինքը արդեն տվել է, այդ փաստն ինքնին ամրացնում է նոր պահանջողի իրավունքը: ...Եվ եթե այս ամենը կատարվում էր Թիֆլիսում, դժվար չէ երևակայել Հայերի վիճակը Վրաստանի գավառներում, որոնք թողնված են սեփական ճակատագրին և վրաց մամուլի հակահայ քարոզչության ոգով տոգորված տեղական վարչության ողորմությանը»<sup>40</sup>: 1919 թ. հունվարին նույնատիպ բողոքով Վրաստանի կառավարությանն էր դիմել Սոչիի Ռուսական ազգային խորհուրդը<sup>41</sup>: Վրաց զինվորականների վարքագիծը ապստամբության պատճառ դարձավ, որը սկսվեց 1919 թ. հունվարի 31-ին Գոռնոե Լոռ գյուղում: Վրաց զինվորական իշխանություններն առանց ելույթի պատճառներն իմանալու, անմիջապես հրահրեցին ուղղեցին Հայերի դեմ<sup>42</sup>: Միաժամանակ սուտ լուրեր էին տարածվել, թե իբր մի քանի Հարյուր զինված Հայեր շարժվում են դեպի Ադլեր<sup>43</sup>, չի բացառվում, որ դրանք վրացական զինվորականների միջև տիրող խուճապի հետևանք էին: Փետրվարի 3-ին Սոչիի Հայկական խորհուրդն անհապաղ միջամտության խնդրանքով դիմել էր Այսրկովկասում բրիտանական հրամանատարությանը, որը, դիմողների կարծիքով, խաղաղ միջոցներով պիտի հարթեր միջադեպը: Խորհուրդը մտահոգություն էր հայտնում, որ մասնակի ելույթը Գոռնոե Լոռ գյուղում կարող է ընդհանուր բախման վերածվել: Դիմումի բովանդակությունն անգլիացիները հեռախոսակապով իսկույն հայտնել էին Վրաստանի կառավարությանը<sup>44</sup>: Փետրվարի 6-ին կառավարության քարտուղարությունում սղագրել էին Մերձսևծովյան շրջաններում Վրաստանի ներկայացուցչի Մուհրան Խոջուլավայի, զեկուցումը: Նա հայտնում էր, որ փետրվարի 3-ից, դեպքերը քննելու նպատակով իր գլխավորությամբ հատուկ հանձնաժողով է գործում: Արձանագրվել է երկու զոհ Հայկական կողմից, կորուստներ կան նաև վրացական զինվորականների շարքերում: Չնայած որ, ըստ սկզբնական տեղեկությունների, Խոջուլավայի մոտ ստեղծվել է իրական ապստամբության տպավորություն, սակայն նա հաղորդում է, որ հակամարտությունը, ի վերջո, խաղաղ միջոցներով վերացվել է: Վերլուծելով ելույթի պատճառները, նա նշում է շրջանային կոմիսար Չնելաձեի թեթևամիտ վերաբերմունքը տեղի բնակչության կարիքներին և պահանջներին: Վրաց բարձրաստիճան պաշտոնյան չէր բացառում իր համար անհայտ նաև մեկ այլ ուժի չար կամքը: Միաժամանակ նա վկայում է. «Ես անձամբ տեսել եմ հետևանքները մի շարք անթույլատրելի գործերի, հափշտակումների և կոպիտ վերաբերմունքի բնակչության նկատմամբ [վրաց] զինվորականների կողմից»<sup>45</sup>: Խոջուլավայի զեկուցագրում տեղի Հայերի վարքագծի վերաբերյալ ոչ մի մեղադրանք չկա, փաստաթուղթը նրանց նկատմամբ բարյացակամ ոգով է ներչնչված: Վրաստանում ՀՀ դեսպանորդը Սոչիի Հայերի ապստամբության պատճառների մասին գե-

<sup>40</sup> Ս. Վրացյան. Հայաստանի Հանրապետություն. Երևան, 1993, էջ 243-244:

<sup>41</sup> ՎԿՊԱ, ֆ. 1861, ց. 2, գ. 116, թ. 15:

<sup>42</sup> ՀԱԱ, ֆ. 276, ց. 1, գ. 140, թ. 3,4:

<sup>43</sup> ՎԿՊԱ, ֆ. 1861, ց. 2, գ. 116, թ. 22:

<sup>44</sup> Նույն տեղում, գ. 38, թ. 17-21:

<sup>45</sup> Նույն տեղում, գ. 116, թ. 22-27:

կուցեց Երևան, գրելով. «Վրաց իշխանութիւններէ թշնամական վերաբերմունքը դեպի այդ շրջանի հայերը, ոչ ոքի մեջ կասկած չպիտի հարուցի»<sup>46</sup>:

1919 թ. փետրվարի 6-ին կամավորականները Սոչիից դուրս քշեցին վրացական զորքերը, որից հետո նվաճեցին Գագրայի տեղամասը: Առաջացավ Սոչիի ռազմաճակատը, որը պաշտպանվում էր Կամավորական բանակի 1500 հայերից կազմված զորամասի կողմից<sup>47</sup>: Ինչպես հաղորդում էր Վրաստանում ՀՀ ղեկավանորդ, վրաց իշխանութիւններէ կարծիքով Կամավորական բանակի հետ ընդհարման պատճառը հայերն էին<sup>48</sup>: Փաստերը վկայում են, որ հայ բնակչութեան մասնակի ելույթը չէր կարող պատճառ դառնալ Սոչիի և Գագրայի գրավմանը: Կամավորականներէ և Վրաստանի բախման հիմքում ընկած էր տարածքային վեճը: 1918 թ. սեպտեմբերին նախարար Ե. Գեղեճկորին համոզում էր վարչապետ Ժորգանիային՝ օգտվել հարմար պահից և պաշտոնապես միացնել Սոչիի շրջանը Վրաստանին, նշելով, որ հակառակ վարքագիծն աններելի է և նույնիսկ հանցավոր կառավարութեան համար: Միաժամանակ նախարարը շեշտում էր, որ շրջանի միացումը փաստի առջև կդնի Կամավորական բանակի հրամանատարութեանը<sup>49</sup>: Նույն ժամանակ կառավարութեան ներկայացուցիչ Անջափարիճեն զգուշացնում էր ռազմական նախարարին, թէ շրջանին տիրելու ցանկութեանը կհանգեցնի լուրջ բախման: Նրա կարծիքով տարածքը կարելի էր պահել միայն գերմանացիների օժանդակութեամբ, որոնց զորամասը գտնվում էր Ադլերում: Հակառակ պարագայում ներկայացուցիչն առաջարկում էր ուշադրութեանը սկսել վրաստանի պատմական սահմանի վրա<sup>50</sup>: Հետագայում, անտեսելով դաշնակից Գերմանիայի պարտութեան փաստը և բրիտանական զորքերի հրամանատարութեան ոչ նպաստավոր դիրքորոշումը, վրացական իշխանութիւններէ ջանքերով 1918 թ. դեկտեմբերին հրավիրված Սոչիի շրջանի բնակչութեան համագումարը կողմ քվեարկեց Վրաստանի կազմում լինելու առաջարկին, թեպետ ժամանակավոր մինչև Ռուսաստանի դեմոկրատական դաշնային հանրապետութեան ձևավորումը<sup>51</sup>:

Ինչպես գրում էր Ա. Լուկոմսկոյը, «Սոչիի շրջանում վրացական իշխանութեան թոթափումից հետո թյուրիմացութեանները շարունակվում էին հարևան Սուխումի շրջանում հայերի և աբխազների նկատմամբ վրացական իշխանութեաններէ վերաբերմունքի պատճառով»<sup>52</sup>: Երկու կողմերը, և՛ վրացական, և՛ Կամավորական, միջնորդութեան խնդրանքով դիմում էին Այսրկովկասում բրիտանական բանակի հրամանատարութեանը: 1919 թ. փետրվարի 26-ին Ա. Դենիկինը նամակով դիմում է բրիտանական ռազմական միսիայի պետ գեներալ Բրիգսին, որտեղ մասնավորապես ասված է. «...Վրացական զինվորական իշխանութեանները ռազմատուգանք

<sup>46</sup> ՀԱԱ, ֆ. 200, ց. 1, գ. 350, թ. 2 շրջ., թ. 3:

<sup>47</sup> Նույն տեղում, գ. 450, թ. 3, 5:

<sup>48</sup> Նույն տեղում, գ. 350, թ. 3:

<sup>49</sup> ՎԿՊՊԱ, ֆ. 1861, ց. 2, գ. 26, թ. 38-40:

<sup>50</sup> Նույն տեղում, գ. 28, թ. 28-30 շրջ.:

<sup>51</sup> Նույն տեղում, թ. 91-93:

<sup>52</sup> С. П а к о б а. Очерки..., с. 77.



են դրել Սուխումի շրջանի Գուդաուտայի տեղամասի հայաբնակ գյուղերի վրա... Բնակիչները... միջոցներ չունենին կատարելու իրենց առջև դրված պահանջները: Փետրվարի 10-ին վրացական զորքերը, շրջապատելով գյուղերը, սկսեցին գնդակոծել հրանոթներից և գնդացիներից խաղաղ բնակչությունը... Խնդրում եմ ... հասցնել ... իմ բողոքը անպաշտպան հայ բնակչության նկատմամբ բռնությունների վերաբերյալ և խնդրում եմ եռանդուն ճնշում գործադրել վրացական կառավարության վրա վայրագություններին վերջ տալու համար»<sup>53</sup>: Վրաց պատմաբանները Դենիկինի կողմից հայերի և աբխազների շահերի պաշտպանության առաքելությունը համարում են սադրանք, որի նպատակն էր արդարացնել իր զավթողական քաղաքականությունը Վրաստանի նկատմամբ<sup>54</sup>: Վրաց հեղինակի կարծիքով, բնակչությունից անցանկալի բռնագրավումները, որոնք բնական դժգոհություն էին առաջացնում, պայմանավորված էին Վրաստանի տարածքային ամբողջականության և իրավակարգի պաշտպանության ուղղությամբ գործադրված միջոցառումներով<sup>55</sup>: 1919 թ. ապրիլին վրացական զորքերը անցան հակահարձակման և ետ վերցրին Գադրայի տեղամասը: Ինչպես տեղեկացնում էր Սուխումում ՀՀ Հյուսիսատուր, Գադրայի տեղամասի հայ բնակչությունը Կամավորների և վրացական զորքերի բախումների ժամանակ սնանկացել է, քանի որ զորքը սնվում էր հայերի հաշվին: Հյուսիսատուրի վկայությամբ տեղամասի հայերի վիճակը աննկարագրելի ծանր էր և դիտորդի վրա ճնշող տպավորություն էր թողել<sup>56</sup>: Վրաց զինվորականները կասկածում էին հայերին Կամավորականներին աջակցության գործում և վրեժ էին լուծում նրանցից<sup>57</sup>: Մեկ այլ զեկույցում ՀՀ Հյուսիսատուր գրում է արտագործնախարարին, որ վրացական բանակը հրով և սրով անցել է Գադրայի տեղամասով, որպես պատրվակ օգտագործելով այն, թե հայերը հրավիրել էին Կամավորականներին Սոչիի շրջան: Հյուսիսատուր ոչինչ չի ասում կոնկրետ դեպքերի մասին, նշելով միայն, որ վրացական ռազմական իշխանությունների անօրինականություններն այս տեղամասում հնարավոր չէ նկարագրել: Նա հայտնում է, որ Աբխազիայում Վրաստանի կառավարության ներկայացուցիչ Ի. Բամիշվիլու խոստովանությամբ, առանց վրաց իշխանությունների օգնության հնարավոր չէր վերացնել հասցված կորուստը, այդպիսով չէր ժխտվում այն, որ դեպքն իրոք տեղի էր ունեցել<sup>58</sup>:

1919 թ. մարտի 16-ին Սուխումի շրջանի 170 հայեր իրենց ստորագրություններով վավերացված նամակ են ուղարկում Թիֆլիսում ՀՀ դեսպանատուն և հայտարարելով իրենց Հայաստանի հպատակներ, խնդրում են ներկայացուցչություն բացել Սուխումում<sup>59</sup>: 1919 թ. հոկտեմբերի 28-ին արտագործնախարար Ալ. Խատիսյանը շրջաբերական նամակ է ստորագրում, որտեղ կարևորում է Հյուսիսատուրությունների բացման հարցը, քանի որ ՀՀ

<sup>53</sup> Деникин—Юденич—Врангель, с. 96.

<sup>54</sup> Д. Г а м а х а р и я, Б. Г о г и я. Նշվ. աշխ., էջ 90—91:

<sup>55</sup> А. М е н т е ш а ш в и л и. Из истории взаимоотношений..., с. 24.

<sup>56</sup> ՀԱԱ, ֆ. 200, ց. 1, գ. 409, թ. 3, 4:

<sup>57</sup> Նույն տեղում, թ. 5:

<sup>58</sup> Նույն տեղում, թ. 11, 12:

<sup>59</sup> Նույն տեղում, գ. 350, թ. 6:

կառավարութիւնը տեղյակ է՛ր հայ գաղութներէ կյանքի մասին<sup>60</sup>: 1919 թ. հունիսի 25-ին Վրաստանում ՀՀ ներկայացուցիչ Լ. Եվանգուլովի գեկուցագրում ԱԳՆ-ին առաջարկվում է հպատակութեան հարցը վճռելիս ի նկատի առնել այն հանգամանքը, որ Սուխումի և Սոչիի հայերի կողմից Հայաստանի քաղաքացիութիւնը ընդունելու պարագայում այդ փաստը կօգտագործվի Վրաստանի կառավարութեան կողմից հայերին, իրրե օտարներին, հողային սեփականութեան իրավունքից զրկելու նպատակով<sup>61</sup>: Ինչպես հայտնի է դառնում 1919 թ. սեպտեմբերի 26-ի Եվանգուլովի գեկուցագրից, նրան այցելել էր Սուխումի շրջանային Հայոց ազգային խորհրդի անդամ Խ. Ավդալբեկյանը և պնդել, որ հյուպատոսարանի բացումը Սուխումում անհրաժեշտ է՛, քանի որ կարող է փչացնել հարաբերութիւնները վրաց իշխանութիւններին հետ: Ավդալբեկյանի կարծիքով Ազգային խորհուրդը ոչ միայն հոգում է գաղութի կարիքների որոշ մասը, այլև կարող է հյուպատոսական գործ վարել<sup>62</sup>: Սակայն 1919 թ. օգոստոսի 1-ին Եվանգուլովը ՀՀ կառավարութեան անունից դիմել էր Վրաստանի իշխանութիւններին. «Սուխումի շրջանում բնակվում են մեծ թվով նախկին թուրքահպատակ հայեր: Նրանց շահերի պաշտպանութեան համար Հայաստանի կառավարութիւնը նպատակահարմար է գտնում հյուպատոսարան հիմնել Սուխումում: Խնդրում եմ տեղեկացնել Վրաստանի կառավարութեան կողմից այս առաջարկի իրականացումը կարող է որևէ խոչընդոտի հանդիպել»<sup>63</sup>: Արդեն օգոստոսի 7-ին Վրաստանի կառավարութիւնը դրական որոշում է կայացնում<sup>64</sup>: 1919 թ. նոյեմբերի 15-ին Եվանգուլովը արտգործնախարարին առաջարկում է ՀՀ հյուպատոսարան բացել նաև Սոչիում՝ հիմնավորելով, թե ժամանակին ներկայացուցչութիւն ունենալու պարագայում համապատասխանորեն կպաշտպանվեն հայերի շահերը և կկանխվեր նրանց ապստամբութիւնը: Այժմ, Եվանգուլովի կարծիքով, ներկայացուցիչը պետք է նպաստեր հայերի չեզոքութեանը և հայրենադարձութեանը<sup>65</sup>: Սակայն ՀՀ արտգործնախարարի հրահանգով Սոչիի շրջանն ընդգրկվեց Սուխումի հյուպատոսարանի գործունեութեան դոտում<sup>66</sup>: Եվանգուլովի երաշխավորութեամբ ՀՀ ԱԳՆ Սուխումում հյուպատոս նշանակեց Թիֆլիսի ներկայացուցչութեան խորհրդական Վաղարշակ Սահակյանին, քանի որ վրացական կողմը առարկութիւնն չունէր: Հեռագրի վրա նշում կա՝ ս. թ. նոյեմբերի 1-ից<sup>67</sup>:

Հասնելով Սուխում՝ Վ. Սահակյանը տեղեկացնում է ՀՀ ԱԳ նախարարին, որ Վրաստանի կառավարութեան իշխանութիւնը Արխագիայում վերջնականորեն չի հաստատվել, քանի որ պայքար է ընթանում երկրամասի լայն ինքնավարութեան կողմնակիցների և վրաց իշխանութիւնների

<sup>60</sup> ՀԱԱ, ֆ. 276, ց. 1, գ. 33, թ. 199, 200:

<sup>61</sup> Նույն տեղում, թ. 136-136 շրջ.:

<sup>62</sup> ՀԱԱ, ֆ. 200, ց. 1, գ. 350, թ. 8:

<sup>63</sup> ՎԿՊՊԱ, ֆ. 1861, ց. 2, գ. 95, թ. 2: Փաստաթուղթը հիշատակվում է՝ ՀԱԱ, ֆ. 276, ց. 1, գ. 155, թ. 2:

<sup>64</sup> ՀԱԱ, ֆ. 276, ց. 1, գ. 155, թ. 7:

<sup>65</sup> ՀԱԱ, ֆ. 200, ց. 1, գ. 35, թ. 3:

<sup>66</sup> Նույն տեղում, գ. 409, թ. 52, 53:

<sup>67</sup> Նույն տեղում, գ. 350, թ. 9:



միջև, որի պատճառով էլ կառավարման բնագավառում խառնաշփոթ է տիրում<sup>68</sup>:

1919 թ. փետրվարի 13-ին Համընդհանուր, Հավասար, ուղղակի, գաղտնի քվեարկության սկզբունքներով ընտրվել էր Աբխազիայի ժողովրդական խորհուրդը (ԱժԽ), որն էլ ձևավորեց տարածքային գործադիր իշխանություն՝ Կոմիսարիատ անվանումով: Սուխումի Հայություն գեղակղզու մասը, Համարվելով թուրքապատակ, զուրկ էր ընտրություններին մասնակցելու իրավունքից: Ձայնի իրավունք ունեցողները քվեարկեցին Վրացական սոցիալ-դեմոկրատական կուսակցության օգտին, որի ցուցակով ԱժԽ անդամ ընտրվեց Հայոց խորհրդի նախագահ Խ. Ավդալբեկյանը: Վրաց հեղինակները շեշտում են նրա եռանդուն աջակցությունը Վրաստանի կառավարության քաղաքականությանը<sup>69</sup>: Սուխումի շրջանում գործող ՀՅԴ տեղական կոմիտեն որևէ կերպ չարտահայտեց իր դիրքորոշումը<sup>70</sup>: 1919 թ. մարտի 20-ին ԱժԽ-ն ընդունեց «Աբխազիայի ինքնավարության ակտը»<sup>71</sup>: Երկրամասի վերջնական իրավական կարգավիճակը պետք է որոշեր Վրաստանի ապագա սահմանադրությունը և «ինքնավար Աբխազիայի կանոնակարգը»: Աբխազիայի սոցիալ-դեմոկրատները, որոնք ԱժԽ-ում մեծամասնություն էին կազմում, հանդես եկան մարզային ինքնակառավարման, իսկ ընդդիմությունը՝ քաղաքական լայն ինքնավարության պահանջով: ԱժԽ-ն Համարվում էր օրենսդրական մարմին, սակայն մինչև ինքնակառավարման մասին կանոնակարգի հաստատումը, նրա լիազորությունների շրջանը սահմանված չէր: Այդ իսկ պատճառով ԱժԽ-ն ներկայացուցչական ֆունկցիա ուներ: Ժամանակակիցների վկայությամբ և՛ ԱժԽ-ի, և՛ Կոմիսարիատի դերը ձևական էր. իրական իշխանական լծակները գտնվում էին վրացական զինվորական հրամանատարության ձեռքում: Թիֆլիսի մամուլը կասկածի տակ էր դնում Աբխազիայի ինքնավարության անքակտելիության մասին Վրաստանի կառավարության հավաստիացումները<sup>72</sup>: 1920 թ. հունվարի 21-ին ԱժԽ-ին բողոքով դիմել էին Գաբրայի տեղամասում բնակվող հայերի պաշտոնական ներկայացուցիչները: «Վրաց զինվորականները, — գրում էին նրանք, — գիշերներով հարձակվում են խաղաղ բնակիչների վրա, և սպառնալով դնդակահարել, դրամ են պահանջում: Ստանալով մի քանի հազար ռուբլի, հեռանում են, հակառակ դեպքում՝ սպանում են... Շարքայիների և սպանների վերաբերմունքը հայերի նկատմամբ վերին աստիճանի արհամարհական է և սպառնալի»<sup>73</sup>: Ձեռնարկներից մեկում Սահակյանն առաջարկում է բարձրացնել Գաբրայում փոխհյուպատոս ունենալու հարցը, քանի որ արխազական իշխանությունների ազդեցությունը շրջանում աննշան է<sup>74</sup>:

<sup>68</sup> Նույն տեղում, գ. 409, թ. 20, 21:

<sup>69</sup> Д. Гамахария, Б. Гогия. Ул. аш., էջ 91:

<sup>70</sup> Հ. Ավդալբեկյան. Աբխազիայի Հայկական Համայնքը. — Հայրենի Ձավախք. Ինյուրթ, 2002, էջ 380:

<sup>71</sup> С. Лакоба. Очерки..., с. 74–75; А. Ментешавили. Из истории взаимоотношений..., с. 46, 47.

<sup>72</sup> "Социал-демократ", 20.X.1919; "Слово", 20.VIII.1920.

<sup>73</sup> История Абхазии, с. 321.

<sup>74</sup> ՀԱԱ, ֆ. 200, ց. 1, գ. 409, թ. 4:

Հյուպատոսութեան գործունեութեան առաջին իսկ օրից կարևորվում էին մի շարք հարցեր՝ Հայրենադարձութեան, Սուխումի շրջանի հայերի քաղաքացիական պատկանելութեան և նրանց զորակոչի հարցերը, որոնց լուծումը բարդանում էր Հյուպատոսի և տեղի Հայոց խորհրդի միջև անբարյացակամ հարաբերությունների պատճառով: Նրանց տարածայնութիւնները տարածվում էին նույնիսկ Սուխումի շրջանում բնակվող հայերի թվի շուրջը: Սահակյանը նշում է՝ 25000<sup>75</sup>, իսկ Խորհուրդը՝ 30000<sup>76</sup>:

1920 թ. մարտի 2-ին Հյուպատոսը հաշվետվություն է ներկայացնում Աբխազիայում հայերի քաղաքական և տնտեսական իրավիճակի մասին: Նա նշում է, որ Վրաստանի կառավարության կողմից ծխախոտի առևտրի պետական մենաշնորհի հաստատումից հետո հայերը կարծում էին, թե Աբխազիայում այլևս ապրել հնարավոր չէ և պահանջում էին իրենց Հայաստան տեղափոխել: Հակառակ դեպքում սպառնում էին արտագաղթել ցանկացած այլ երկիր<sup>77</sup>: 1920 թ. ամռանը Թիֆլիսում գտնվող ԱժԽ-ի պատվիրակությունը բողոքում էր Վրաստանի վարչապետ Ն. Ժորդանիային, որ ծխախոտային մենաշնորհը գյուղացիների միջավայրում ուժգին բողոք է առաջացրել և կործանել այս գյուղատնտեսական կուլտուրայի մշակումը<sup>78</sup>:

Մյուս հարցը, որը հուզում էր բնակչությանը, '21 տարին լրացած հայ երիտասարդների զորակոչն էր Վրաստանի բանակ: Այս որոշումն առաջացրեց տեղի հայերի գայրույթը: Սա տեղի ունեցավ այն պարագայում, երբ աբխազները Վրաստանի կառավարության կողմից ազատված էին զինապարտությունից և կարող էին կամավոր ծառայել բանակում<sup>79</sup>: Հյուպատոսարանի բացումից անմիջապես հետո 700 հայ ընտանիք Հայաստանի քաղաքացիությունն ձևակերպեց<sup>80</sup>: Թիֆլիսում ընթացող բանակցություններում ՀՀ պատվիրակությունը դիմեց վրացական կողմին, որն էլ հրաժարվեց հետապնդել զորակոչից խուսափողներին. նրանք ազատվեցին կալանքից, բանակից զորացրվեցին Վրաստանի քաղաքացիությունն չունեցող հայերը: Միաժամանակ Սուխումի Հյուպատոսը հանդես եկավ միջնորդությամբ՝ չտարածել զինապարտությունը շրջանում բնակվող Հայաստանի քաղաքացիների վրա՝ մինչև նրանց հայրենիք տեղափոխվելը<sup>81</sup>: 1919 թ. դեկտեմբերի 9-ի նամակում նշված է, որ թեպետ ռազմական նախարար Ք. Արարատովն անցանկալի էր համարում զորակոչն իրականացնել Հայաստանի սահմաններից դուրս, միաժամանակ նա նպատակահարմար էր գտնում առաջարկել երիտասարդներին իրենց հաշվին մեկնել Հայաստան: Հակառակ դեպքում նրանք կհամարվեին Վրաստանի քաղաքացի և պետք է ծառայեին տեղում<sup>82</sup>:

<sup>75</sup> Նույն տեղում, թ. 11:

<sup>76</sup> Նույն տեղում, թ. 60:

<sup>77</sup> Նույն տեղում, թ. 16 (առևս.):

<sup>78</sup> Д. Г а м а х а р и я, Б. Г о р и я. Նշվ. աշխ., էջ 463, վավ. № 254:

<sup>79</sup> Վ Կ Պ Պ Ա, ֆ. 1861, ց. 1, գ. 243, թ. 1-1 շրջ.:

<sup>80</sup> Հ Ա Ա, ֆ. 200, ց. 1, գ. 409, թ. 13-13 շրջ.:

<sup>81</sup> Նույն տեղում, թ. 32-32 շրջ. նույնը թ. 33-33 շրջ.:

<sup>82</sup> Հ Ա Ա, ֆ. 276, ց. 1, գ. 33, թ. 264 շրջ.:



Աբխազիայի լայն ինքնավարության կողմնակիցները դեմ էին Հայերի արտագաղթին, քանի որ Հայերի մեկնելուց հետո նրանց տեղը կզբաղեցնեին վերաբնակիչները՝ Վրաստանից<sup>83</sup>: Երբ տեղի իշխանությունները, օգտագործելով Հայոց խորհրդի հեղինակությունը, առաջարկեցին Հայ բնակչությանը Վրաստանի քաղաքացիություն ընդունել, խորհուրդը, ինչպես հեղանաքով գրում է Սահակյանը, իր կամակատարությունով գերազանցեց վրացիների բոլոր սպասելիքները: Խորհրդի նախագահությունը, որը բաղկացած էր 20 հոգուց, խորհրդակցությունը հրավիրեց Հայաբնակ գյուղերի 10 կոմիսար (գյուղապետ) և 10 ներկայացուցիչ գյուղացիներից: Ինքնակող Համագումարի անունից Հայտարարվեց Սուխումի շրջանի Հայության կամքը՝ ընդունել Վրաստանի քաղաքացիություն<sup>84</sup>: Հայերի կողմից Վրաստանի քաղաքացիություն ընդունելու պարագայում, Հյուպատոսի կարծիքով, Հայաստանը կզրկվի նրանց հովանավորելու իրավունքից, իսկ վրացական իշխանությունները վաղ թե ուշ կվտարեն Հայերին Աբխազիայից: Քանի կար ձգտում ուժեղացնել վրացական տարրը Հայերի հաշվին, որոնք Հյուպատոսի կարծիքով, կազմում էին երկրամասի բնակչության 1/4<sup>5</sup>, վտանգ կար, որ ՀՀ պաշտպանությունից զուրկ Հայերը կկորցնեին նաև շարժական գույքը և ծանր բեռ կդառնային Հայաստանի համար<sup>86</sup>: Աժխ-ի պատվիրակությունը 1920 թ. ամռանը բողոքում է Վրաստանի հողագործություն նախարար Ն. Խոմերիկիին, որ Գագրայի տեղամասում կատարվում է վրացիների վերաբնակեցումը Գուրիայի մարզից, իսկ տեղացիներին հողը նույնիսկ կապալավարձով չէր տրվում: Պատվիրակները շեշտում էին միայն աբխազների և մեգրելների իրավունքները, իսկ Հայերի մասին խոսք չկար<sup>87</sup>: 1920 թ. հունիսի 2-ի զեկուցագրում Հյուպատոս Սահակյանը հայտնում էր, որ հողօգտագործման առումով Սուխումի շրջանի Հայութունը դասվում է 4 կարգի: 80% մշակում էր պետական ֆոնդի հողերը՝ կապալավարձի հիմունքներով, որից իրավունք ունեւր օգտվել ևս մեկ տարի: Մնացած 5% հողը ձեռք էր բերել ուրիշի անունով: Հողային բարեփոխման հետ կապված, իշխանությունները չէին ճանաչում նրանց իրավունքները: Հայերի մի մասը, օգտվելով կառավարական խառնաշփոթից, կարողացել էին ձեռնարկել հողի սեփականությունը իրենց անունով, սակայն Կոմիսարիատը չէր ճանաչում սեփականատերերի իրավունքները մինչև Վրաստանի քաղաքացիության ընդունումը: Միայն 5%, որը ժամանակին ձեռնարկել էր Ռուսաստանի կայսրության Հպատակությունը և օրենքով համարվում էր Վրաստանի քաղաքացի, օգտվում էր լիակատար սեփականատիրոջ իրավունքից<sup>88</sup>:

1920 թ. ամռանը Երևան ժամանած Սուխումի Հայոց խորհրդի լիազորներ Եղիա Մուսելիմյանը և Երվանդ Մինասյանը հուլիսի 8-ին «Զեկուցագիր» հղեցին ՀՀ վարչապետին: Այստեղ նրանք բացատրում էին խորհրդի

<sup>83</sup> ՀԱԱ, ֆ. 200, ց. 1, գ. 409, թ. 14 շրջ., 16 շրջ.:

<sup>84</sup> Նույն տեղում, թ. 12:

<sup>85</sup> Ըստ 1926 թ. մարդահամարի՝ 1/7 կամ 14,2%. տե՛ս История Абхазии, с. 209.

<sup>86</sup> ՀԱԱ, ֆ. 200, ց. 1, գ. 409, թ. 16:

<sup>87</sup> Д. Г а м а х а р и я, Б. Г о г и я. Նշվ. աշխ., էջ 464, վավ. № 254:

<sup>88</sup> ՀԱԱ, ֆ. 200, ց. 1, գ. 409, թ. 46:

նախագահության վրացամետ դիրքը, գանձելով, որ Սուխումի շրջանի հայերի շահերին վնասում էին հայ-վրացական պատերազմը և Սոչիի հայության աջակցությունը Դենիկինին: Բացի այդ, վրաց տիրապետությունը հայերի նկատմամբ մեզրելների ագրեսիվ վերաբերմունքի պատճառ էր դարձել, որոնք մինչ այդ լոյալ դիրք ունեին: Քանի որ հողագործի մեզրել գյուղացիները 1918 թ. դարձել էին բոլշևիզմի կողմնակիցները Աբխազիայում, իշխանությունները նրանց սոցիալական պահանջներից զերծ պահելու նպատակով մեզրելների մեջ ազգայնական տրամադրություններ էին տարածում: Այդ պահին, մեզրելները համարելով իրենց արտոնյալ և առաջին հերթին պետություն ձևավորող տարր, սկսել էին մրցել հայերի հողաբաժիններին և կարողությունը տիրելու համար, քանի որ վերջինները ժամանակին վերցրել էին ամենալավ հողամասերը: Հողային բարեփոխման իրականացման կապակցությամբ կատարվում էր Վրաստանի քաղաքացիություն ունեցող գյուղացիներին արխազ իշխաններից և ուսս խոշոր հողատերերից բռնագրաված հողի վաճառք: Տեղի հայերի համար տարիներ շարունակ կապալավարձի հիմունքով մշակվող հողը սեփականացնելու իրական հնարավորություն էր ստեղծվել: Հայոց խորհրդի կարծիքով, պահից օգտվելու համար կար մի միջոց՝ Վրաստանի կառավարության հետ համերաշխ լինելը: Այդ նպատակով հայերի համագումարը որոշեց առաջարկել տեղի հայությունը Վրաստանի քաղաքացիություն ընդունել և ծառայել նրա բանակում: Այդ քայլից հետո, կարճ ժամանակում իշխանությունները կտրուկ միջոցներ գործադրեցին, վերջ տալու հայերի դեմ ուղղված մեզրել և արխազ տարրերի հալածանքներին: Ծխախոտի հայ «սպեկուլյանտները» տուժել էին պետական մենաշնորհից և դեմ էին Վրաստանի կառավարմանը: Այդ իսկ պատճառով, ինքնազրկի պատվիրակների խոսքերով, ասեկոսներ էին տարածվում, թե Վրաստանի քաղաքացիություն ընդունողներն ընդմիջտ կղրկվեն հայրենադարձությունից: Խորհուրդը համոզված էր, որ Վրաստանի կառավարությունը միջտ էլ կաջակցի հայերի հայրենադարձությանը՝ փոխարենը նպատակ ունենալով Աբխազիայում վրացիներ բնակեցնել: Խորհրդի կարծիքով հայրենադարձության համար նպաստավոր պայմաններ դեռևս չէին ստեղծվել<sup>89</sup>: Որպես վրաց իշխանությունների բարյացակամ դիրքորոշման և ինքնազրկի եռանդուն աշխատանքի ապացույց ասվում է, որ հայկական դպրոցների թիվն աճել էր 12-ից 30-ի, որտեղ ուսանում էր 1567 աշակերտ, այդ թվում 511 աղջիկ: Դպրոցներում դասավանդում էր 57 ուսուցիչ, որոնց աշխատանքը հսկում էին շրջանային տեսուչը և հրահանգիչը: Այս առումով պատվիրակները բողոքում էին հյուսիսային Սահակյանից, որը, չճշտելով իրավիճակը, սկսեց զինակոչիկներին Հայաստանի անձնագրեր բաժանել: Քանի որ հյուսիսային լայն գործունեություն էր ծավալել հայրենադարձության ուղղությամբ, վրաց պետական շրջանակներում վերաբերմունքը Աբխազիայի հայերի նկատմամբ փոխվեց, որպես ժամանակավոր տարրի<sup>90</sup>: Պատվիրակները ինքնազրկի անունից առաջարկում էին կամ փակել հյուսիս-

<sup>89</sup> Նույն տեղում, թ. 61-61 շրջ.:

<sup>90</sup> Նույն տեղում, թ. 63:



տոսարանը, կամ էլ փոխել հյուպատոսին՝ նշանակելով Խորհրդի հետ համաձայնեցված անձ (ցանկալի էր՝ համընտանց)՝<sup>91</sup>:

Համադրելով Սահակյանի և Խորհրդի կարծիքները, ՀՀ կառավարությունը եկավ այն եզրակացության, որ Սուխումի հայությունը վաղ թե ուշ արխագների և մեգրելների ճնշման տակ ստիպված է լինելու լքել շրջանը: Մարտավարական նկատառումներով, Վրաստանի կառավարությունը դեռ աջակցում էր տեղի հայերին՝ որպես լրացուցիչ հակակշիռ անջատմետ արխագներին: Նորաստեղծ ՀՀ-ն ուներ հայ բնակչության սուր կարիք և, կառավարության անդամների կարծիքով, պետք էր ամեն կերպ աջակցել հայրենադարձական տրամադրություններին, միաժամանակ ընդգրկմտնալով Վրաստանի քաղաքացիության ընդունմանը: Կառավարությունը կասկածում էր, որ դառնալով քաղաքացի և հողի լիիրավ սեփականատեր, հայ գյուղացին այլևս չի ցանկանա բռնել հայրենադարձության ճանապարհը: Որոշվել էր ՀՀ կառավարության մակարդակով պաշտպանել տեղի հայերի շահերը և նրանց շարժական գույքը, որը հնարավորություն կտար հայրենիքում ստեղծել նոր տնտեսություն: Ելնելով նշվածից, նպատակահարմար էր համարվել առաջարկել Վրաստանի կառավարությանը՝ ճանաչել Սուխումի շրջանի բոլոր հայերին ՀՀ քաղաքացի, բացառությամբ առանձին հրաժարվողների, խնդրել պահպանել նրանց կապալավարձի իրավունքները ևս 2-3 տարով, որից հետո թույլատրել հայրենադարձությունն ամբողջ շարժական գույքով՝<sup>92</sup>:

Վրաստանի խորհրդայնացումից հետո Աբխազիայի հայ համայնքի համար մշակված Հայաստանի կառավարության ծրագիրը մոռացության մատնվեց, իսկ տեղի հայության կյանքում սկսվեց նոր ժամանակաշրջան:

## ПОЛИТИЧЕСКАЯ СИТУАЦИЯ И ПОЛОЖЕНИЕ АМШЕНСКИХ АРМЯН В АБХАЗИИ В 1918-1920 гг.

БЕНИАМИН МАИЛЯН

### Р е з ю м е

После провозглашения независимости Грузии Абхазия управлялась вооруженной силой, подконтрольной Грузинскому национальному совету. Делегация представителей абхазского народа в июне 1918 г. подписала договор с правительством Грузии, которое признало за Абхазией автономные права. Однако отношения сторон не были окончательно оформлены. Вопрос границы и статуса Абхазии вызвал вооруженный конфликт Грузии с белым движением, в результате которого пострадало армянское население Сочинского и Сухумского округов. Конфликт между Арменией и Грузией в декабре 1918 г. также отрицательно сказался на положении армян Абхазии. Для защиты их интересов в

<sup>91</sup> Նույն տեղում, թ. 64:

<sup>92</sup> ՀԱԱ, ֆ. 200, ց. 1, գ. 409, թ. 56:

ноябре 1919 г. в Сухуме было открыто консульство Республики Армения, которое занималось решением проблемы подданства местных армян. В этом вопросе политика Правительства Армении расходилась с позицией Армянского национального совета Сухумского округа. Последний выступал за принятие гражданства Грузии, власти которой обещали в обмен на это наделить армянских крестьян землей. Намерение Правительства Армении репатриировать армян Абхазии не осуществилось.

POLITICAL SITUATION AND CONDITION  
OF HAMSHEN ARMENIANS IN ABKHAZIA IN 1918-1920

*BENIAMIN MAILYAN*

S u m m a r y

After proclamation of independence of Georgia, Abkhazia was ruled by military force, which was under control of Georgian national council. Delegation of representatives of Abkhazian people concluded a treaty with Georgia's government in the June of 1918, that acknowledged autonomous rights of Abkhazia. However relationships of sides were not finally juridically legalized. The question of border and of the Abkhazian status evoked military conflict between Georgia and White movement from which suffered Armenian population of the Sochi and Sukhumi districts. The conflict between Armenia and Georgia affected negatively the Armenians of Abkhazia in the December of 1918, too. In the November of 1919, there was opened the consulate of Republic of Armenia for protection of their interests in Sukhumi, that was committed to solve the issues of local Armenians' citizenship. The policy of government of Armenia, regarding that question differed from the opinion of Armenian national council of the Sukhumi district. The latter stood up for the statement of adoption the naturalization of Georgia, authorities of which promised land to local Armenian peasants for that. The intention of government of Armenia to repatriate the Armenians of Abkhazia wasn't realized.